

KESSYON / REPONS

Kisa sa vle di estati refijye aksepte?

Yon refijye aksepte se yon moun ki mande **azil** epi apre sa «Commission de l'immigration et du statut de réfugié» **aksepte** demann nan.

Refijye aksepte a ka mande rezidans pèmanan tousuit. Pa gen ankenn limit tan pou tann pou fè demann sa a.

Dokiman sa a bay enfòmasyon jeneral, se pa ni yon avi ni yon opinyon jiridik. Sistèm imigrasyon Kanada ak Kebèk konplike anpil; kèk fwa, sa ka mete w nan sitiasyon tèt chaje. Li enpòtan anpil pou nou konsilte espesyalis pou ba nou bon jan esplikasyon sou bagay ki patikilye yo. Enfòmasyon ki nan dokiman sa a revize nan mwa me 2017.

Pou plis enfòmasyon ak yon lis resous, konsilte gid nou fè pou entèvenan kominotè yo: «L'accès des personnes immigrantes et réfugiées à des mesures sociales au Québec», ki disponib gratis sou : www.servicesjuridiques.org

Nou vle remèsye «ministère de la Justice du Québec» (Fonds Accès Justice) pou èd finansyè yo. Opinyon ki nan dokiman sa a pa vrèman reprezante opinyon «ministère de la Justice du Québec».

Seri sa a disponib tou (an franse, angle, arab, chinwa senplifye, kreyòl ak espanyòl).

- Ou se demandè azil o Kebèk
- Ou se yon san papyè o Kebèk
- Ou se refijye refize o Kebèk
- Ou se titilè pèmi sejour tanporè o Kebèk
- Ou se travayè tanporè e etidyan etranje o Kebèk
- Ou se rezidan pèmanan o Kebèk
- Kiritè rezidans

Dépôt légal 2017
Bibliothèque et Archives nationales du Québec
Bibliothèque et Archives Canada

Être réfugié accepté au Québec

OU SE REFIJYE AKSEPTE O KEBÈK



Konnen dwa w nan pwogram sosyal yo

LAJISTIS

Èske m ka konsilte yon avoka gratis si m gen yon pwoblèm jiridik?

WI, si yon moun admisib pou **èd jiridik** dapre revni li, epi si li rete o Kebèk, **kèlkeswa estati imigrasyon li**.

Sèvis ki disponib yo se : dwa familyal, administratif, imigrasyon, jenn moun, kriminèl, lojman, elatriye.

Èske m gen dwa al nan tribinal si m gen yon pwoblèm avèk pwopriyete kay kote m rete a?

WI. «**Régie du logement**» ka ede w si gen yon «bail» ant lokatè a ak pwopriyete a. **Yo pa verifye estati imigrasyon pou sa**.

Moun ki viktim diskriminasyon nan kesyon lojman ka pote plent nan «**Commission des droits de la personne et des droits de la jeunesse**» la.

LAFANMI

Èske pitit mwen ka ale lekòl?

WI. Pitit refijye aksepte yo gen dwa ale nan **lekòl piblik gratis** epitou se yon obligasyon pou yo ale lekòl Kebèk.

Èske m gen dwa pou m jwenn prestasyon pou timoun?

WI, si yon refijye aksepte gen gad pitit li pou kont li oubyen gad pataje, l ap resevwa **alokasyon kanadyen pou timoun** (federal) ak **soutyen pou timoun** (pwovensyal).

Èske m gen dwa pou m jwenn prestasyon gouvènman an si m fè yon timoun oubyen si m adopte yon timoun?

WI. Yon refijye aksepte qui te travay pandan 12 dènye mwa yo avèk yon **pèmi travay** gen dwa pou l jwenn prestasyon Rejim kebekwa asirans parantal la (RQAP an franse) (parantal, matènite, patènite, adopsyon).

PRESTASYON

Èske m gen dwa pou m jwenn èd sosyal?

WI. Yon refijye aksepte admisib dapre kèk kritè.

Èske m gen dwa pou m jwenn konpansasyon finansyè si m viktim yon zak kriminèl?

WI. Pwogram endamnizasyon viktim zak kriminèl yo (IVAC an franse) **pa baze sou estati imigrasyon viktim nan** pou evalye admisibilite l pou ba li prestasyon yo.

Èske m gen dwa pou m jwenn konpansasyon finansyè si m viktim nan yon aksidan machin?

WI. Pwogram Sosyete Asirans Otomobil Kebèk la (SAAQ an franse) kouvri tout moun ki gen **rezidans legal**, kidonk, refijye aksepte yo tou, pou aksidan ki fèt anndan tankou deyò Kebèk, san yo pa bezwen konnen kòz aksidan an.

Eske m gen dwa pou m jwenn soutyen finansyè pou granmoun?

SA POSIB. Pou w gen dwa jwenn prestasyon «**Sécurité de la vieillesse**» apati laj 65-an, fòk ou viv o Kanada pou pi piti 10 ane depi laj 18-an.

Li posib pou yon moun ki gen 10-an o Kanada epi li gen estati refijye aksepte toujou, pa egzanp si demann azil li te fèt plizyè ane aprè li rive Kanada.

Apati laj 60-an, li posib pou yon refijye aksepte resevwa prestasyon «**Régime de rente du Québec**» si l te travay legalman o Kebèk epi kotize nan rejim nan.

LASANTE

Èske m gen dwa pou m jwenn swen sante ak medikaman gratis?

WI. Yon refijye aksepte gen dwa nan **Pwopram federal sante enterimè** (PFSI an franse) pou kouvèti swen sante ak medikaman jiskaske li vin rezidan pèmanan.

TRAVAY

Èske m ka tavyay?

WI. Yon refijye aksepte ka mande yon **pèmi travay** epi travay pandan l ap tann yo trete demann rezidans pèmanan li a.

Èske m ka pote plent pou anplwayè mwen an si kondisyon travay mwen yo enjis?

WI. Komisyon ki responsab **nòm minimal travay la** (CNESST an franse) aksepte plent yo **kèlkeswa estati imigrasyon travayè a**.

Èske m gen dwa pou m jwenn konpansasyon apre yon aksidan travay ki anpeche m travay pandan yon ti tan oubyen pou toutan?

WI, si yon refijye aksepte travay ak yon **pèmi travay**, komisyon ki okipe kesyon **sante ak sekirite nan travay la** (CNESST) ap etidye demann nan.

Èske m gen dwa pou m jwenn konpansasyon finansyè si m pèdi travay mwen?

WI. Yon refijye aksepte ki ap travay ak yon **pèmi travay** valid admisib pou jwenn asirans anplwa sèvis gouvènman Kanada a bay. Pwogram sa a ap ranplase 55% revni avan enpo pandan yon sèten peryòd.

Si demann asirans anplwa a aksepte, moun ki pèdi travay li a dwe **disponib pou l travay** pandan tout peryòd l ap benefisye prestasyon yo. Donk, li dwe gen yon **pèmi travay** valid oubyen mande renouvèlman pèmi an.